

Sò parulluce ch'ò vulia lascià
Sò cum'è lumerucce chì nimu spingherà
Ùn sò chè tratti chì sanu imaginà
Cum'è vechji ritratti chì facenu pensà

Sò campanelle in core à trizinà
Ammansite ribelle à mezu à le cità
Ùn so chè note in aria à musicà
Di quelle chì omu scote nantu à gamme da fà

Rispondenu e brame quand'è tù chjami tù
Carezzanu e mamme ch'ùn pienghinu mai più
È sanu i ritorni e strade pè vultà
Allonganu i ghjorni d'un altru sunnià

À mare bellu, u core à navicà, À mare bellu, duve elle vulen' andà
À mare bellu, u core à navicà, À mare bellu, è faremu cantà
À mare bellu, u core à navicà, À mare bellu, è faremu cantà

Sò letterelle chì francanu l'età
Accendenu e stelle chì ti ponu mancà
Ùn sò chè traccie ricordi da salvà
È t'aprenu e braccie è ti volenu parlà

Si portanu a vita cun elle à suminà
Pò quand'ella capita ti facenu trimà
È sanu di l'amore chì più nimu ti dà
Sin'à l'ultimu fiore chì t'accompagnerà

À mare bellu, u core à navicà, À mare bellu, duve elle vulen' andà
À mare bellu, u core à navicà, À mare bellu, è faremu cantà
À mare bellu, u core à navicà, À mare bellu, duve elle vulenu andà
À mare bellu, u core à navicà, À mare bellu, è faremu cantà